



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-1-40-184-4/21**
Datum: **01.06.2021. godine**

«Agencija za vodno područje rijeke Save» Sarajevo rješavajući po zahtjevu NEDIĆ MILAN iz Dobošnice, općina Lukavac za izdavanje prethodne vodne saglasnosti za ispuštanje tehnoloških otpadnih voda sa lokacije objekta mesnice sa preradom mesa na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E

1. Odbija se zahtjev NEDIĆ MILANA iz Dobošnice, općina Lukavac za izdavanje prethodne vodne saglasnosti za ispuštanje tehnoloških otpadnih voda sa lokaliteta objekta mesnice sa preradom mesa na zemljištu označenom kao k.č. broj: 2592/1 K.O. Krtova II, općina Lukavac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.

O b r a z l o ž e n j e

Investitor NEDIĆ MILAN iz Dobošnice, općina Lukavac se obratio zahtjevom bez broja dana 28.04.2021. godine za izdavanje prethodne vodne saglasnosti za aktivnost ispuštanja tehnoloških otpadnih voda sa lokaliteta objekta mesnice sa preradom mesa na zemljištu označenom kao k.č. broj: 2592/1 K.O. Krtova II, općina Lukavac.

U provedenom postupku dostavljena je i pregledana sljedeća dokumentacija:

- Ovjereni kopiji lične karte;
- Ovjereni kopiji zemljišnoknjižnog izvotka broj: 126-0-NAR-21-001343, zk uložak broj: 559 od 27.04.2021. godine izdat od Općinskog suda u Lukavcu;
- Ovjereni kopiji katastarskog plana, razmjera 1:2500, UR broj: 06-26-3-904/2021-3 od 12.03.2021. godine izdat od Općinske službe za geodetske i imovinsko-pravne poslove;
- Kopija Saglasnosti na poslovni prikliučak na vodovodnu mrežu u Mjesnoj zajednici Krtova II (Prilog u Studiji).
- Studija za izdavanje prethodne vodne saglasnosti za novoprojektovani objekat mesnice i prerade mesa, općina Lukavac, reg. Broj: 10-78/20, broj protokola: 2762/20, urađena od strane „TQM“ d.o.o., Lukavac.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uz zahtjev je dostavljena Studija za izdavanje prethodne vodne saglasnosti za novoprojektovani objekat mesnice i prerade mesa, općina Lukavac, broj: 10-78/20 od 19.08.2021. godine urađena od TQM d.o.o., Lukavac, koja predstavlja podlogu za izdavanje rješenja.

U navedenoj Studiji u tački 3.5. Produkcija i zbrinjavanje tehnoloških otpadnih voda novoprojektovanog objekta su date dvije različite formulacije, odnosno u šematskom prikazu stoji da nema produkcije tehnoloških otpadnih voda, dok u tekstualnom dijelu stoji na maksimalno dozvoljene vrijednosti na ispustu iz uređaja za tretman ne smiju prelaziti vrijednosti propisane Uredbom o uslovima ispuštanja otpadnih voda u okoliš i sistem javne kanalizacije („Službene novine Federacije BiH“, broj: 26/20, 96/20).

S tim u vezi, od podnosioca zahtjeva je zatraženo aktom broj: UP-I/25-1-40-184-2/21 dana 18.05.2021. godine da navedenu tačku u Studiji projektant uskladi sa činjeničnim stanjem koje će se uspostaviti nakon izgradnje istog, jer ukoliko nije predviđen ispušt nema potrebe za navođenje Uredbe o uslovima ispuštanja otpadnih voda u okoliš i sistem javne kanalizacije („Službene novine Federacije BiH“, broj: 26/20, 96/20).

Na osnovu navedenog akta, podnosilac zahtjeva je u datom roku dostavio korigiranu Studiju sa činjeničnim stanjem.

- Predmetni objekat će se nalaziti na parceli označenoj kao k.č. broj: 2592/1 K.O. 2592/1 K.O. Krtova II, općina Lukavac.
- Osnovna namjena planiranog objekta je mesnica, prerada mesa. Tehnološki proces u predmetnom objektu obuhvata sve vrste prerade mesa i prodaje istog.
- Na predmetnoj lokaciji nije predviđeno ispuštanje tehnoloških otpadnih voda u prirodni recipijent ili sistem javne kanalizacione mreže. Sve otpadne vode se ispuštaju u predviđeni spremnik-septičku jamu bez preliva koja će se periodično prazniti.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Remić DŽ., dipl.iur.

Po ovlaštenju
Rukovodilac sektora za zdavanje vodnih akata

Haris Ališehović, dipl.inž.grad.



Dostaviti:

-NEDIĆ MILAN

Ul. Krtova II, Dobošnica, općina Lukavac

- AVP Sava, ISV-vodna knjiga

- Sektor 40 – arhiva

- Oglasna ploča – AVP Sava